

◎北寧朱處士行狀

方亭先生撰

嗣德三年三月。北寧處士朱君允緻卒。葬之日。東作阮子志亭。文理爲文聯。兩三門誼。往哭而奠之。聞有超名與焉。嗣而超使燕回。忙遽復命繫以官守。逡巡四五年間。謀往一吊而不果。今因有暇。考其詩文及遺事。年譜成於子若孫。其事核。祭文沛陽故吳子陽亭。世榮亦有之。獨志亭有云。謝軒始從吾先生。立齋於患難之中。逮今一於禮而不苟。此一語誠有當於亡友之心矣。然念其尙有聞於師而述於友。亦有顯諸人而晦諸子。况其詩文含蓄久或難明。撫今追昔。深用懷賢嘆夫。慨曼卿之清風未泯者。猶追叙其聲詩。喜馬服之能讀父書者。可不嘉其堂構。蓋竊慕古人之高義。尙未知其言之有當否也。

朱君少字遠夫。謝軒乃其晚年道號。生當衰季。值世亂離。年十六而孤。聞我立齋范先生與其先君子海陽參政希夷公相友善。往拜受業於逋播中。時西山方索黎臣甚急。先生變姓名。自稱爲鄉稍通訓蒙於安豐之陳舍。遠夫親爲闢地除草。作園植花木。誦習其旁。會有義士唱義祥寨。請之往事。弗濟。先生道倦不能歸。遠夫跪進鹿血酒。親與一僕作輞。夫昇之行。所過西山屯駐。有問輞云。家有病急。爲延醫師。療治賊相視笑曰。此漢似書生。乃能爲此事。不之阻。抵內鄰富敏留焉。久之復還陳舍。嘉隆元年。世祖高皇帝駕進昇龍。宣召黎全節諸臣。先生聞命告之行。曰。西山滅黎國讎有報。義當一往拜謝。遠夫趨請歸期。先生指庭前所植菊。以花開爲度。久之聞先生病。往候於昇龍城北竹帛湖。佐領醫者之家知其不久且歸。先辭回。告喜於同學。已而先生留隸北城。遠夫亦去陳舍回里。塾講授。雖不數親函丈。而二十年中。凡先生病發及緩急。未嘗不在側。明命二年。復有詔徵先生病。

今河
富站

雖在床而行不俟駕。遠夫親自點檢藥籠製行巾行衣步而隨進山南安富驛。病大發地方轉申城臣以聞蒙賜還超聞信至疾趨講堂問安辭退遠夫握手出西軒與飲劇醉語超曰先生誨弗倦如初病日衰于昔昨於驛舍中請問及同門諸友曾許其多有好資質願請諸君當善學某前已請於先生去爲醫今而後安於此超笑曰古云不能爲相且爲醫此亦攝理陰陽一大事子非猶有矜意歟遠夫默然良久曰某嘗觀內經及景岳全書到傳忠錄所言陰陽性命之精微水火源流之離合蓋有發吾儒之所未發况其術專以慎起居節飲食寡嗜欲爲先亦足爲養心一助盡吾之心赴人之急安斯爲之敢矜之有超不覺歎容起謝自先生旣沒出處殊途而求之言行操履中遠夫則日見其進也。

北寧初分省日盜匪橫恣剽掠鄉村捉人白晝要錢索贖東岸一路爲甚人過此遇匪或給之曰我往育秀昭先生家求藥匪輒縱之弗害慎軒阮足下初調布政兼護撫聞而使人迎至問曰先生何能使羣盜感服如此對曰村夫在篆但日訓蒙治病而已外此非敢知也撫憲欲求爲設帳教其子弟則曰省旣設有學官私師復偃然坐其傍恐不便撫憲意將強之正色辭曰禮言來學無聞往教自是撫憲心益重之或造其廬推爲揖客。

紹治初元恩詔訪及學行遺逸撫憲卽以其名應特準給之路驥並委人伴送上京奏聞錄用遠夫自陳衰老願安田里北寧疏入超與黃君復亭同在禮部夜上直接太監轉傳奉敕問當直誰有識北寧東岸育秀朱允緻烏何如人者復亭顧超同寄奏云朱允緻爲人恬淡古野臣等與同學故知之明日奉有旨內務頒出花紅羊酒由禮部驛發北寧欽給蓋示士行以旌表之遠夫以是免於行

次年超公出路過其里。入相存引觀祠堂及園池花樹。徜徉竟夕。未指庭前一片小石曰。此某窆碣也。睨視之。現刻朱謝軒之墓等字。塗以硃。遂大笑而別。是年遠夫六十二後十年乃卒。而此一見。遂爲永訣之期。可勝惜哉。

遠夫於同門中早謝舉學。篤信師傳。留意於視聽言動之中。力勉於獨居寡儔之際。昔者程門高第。如上蔡謝良佐。平日許多刻勵。始能去得一矜病。此豈易哉。要之亦自玩物喪志一語聞其趨捨。所謂玩物不在他。乃在文字間。遠夫既希之。便知之。既知之。便能行之。况無苟且一語先得於師。力行於己。邵子康節有云。學道莫說無妨。纔說無妨便有妨。人所以立不住者。只此無妨二字爲病。苟且之與無妨何異哉。超與之交雖晚。然始終亦二十年。靜而求之。表裏如一。不見有些黑暗處。坐嚮道而往依義而行。能如是乎。麋鹿之形。林野之質。偶一見者。亦知其非尋常江湖之概。風月之懷。非知味者。莫得其真踐履。詩文不事搜索。不勞刻畫。而胸襟洒落。姿態風流。質而腴。樸而味。尤耐人咀嚼。既已僭閱。分詩爲二集。古近凡若干首。文爲一集。散偶凡若干篇。載槩括其平生狀諸端。使其子若孫得以悉乃祖乃父之庸言隱行。且願以俟同志者。相商訂焉。——門友壽昌阮文超方亭拜書。

● 輓朱處士文

維嗣德十一年歲次戊午二月越丁未朔二十一日丁卯河內壽昌阮文超謹以剛鬣粢盛茶酒之儀。祔告于先友北寧處士朱君遠夫謝軒之靈曰。故人云亡。迨今八紀。追念交情。寤寐弗置。少而同遊。切儻者幾。老而念羣。感懷彌摯。次君詩文。豈真知是狀。君平生歎然以愧。嚴師不存。哲友交瘁。孤往何從。衰頽并至。憑弔孤墳。徘徊故里。風範如存。式茲遺軌。尙饗。

婦女叢談（續三）

婦女叢談

▲立齋先生侍妾

侍妾姓阮。名號未詳。北寧天福大棗社人。故黎庠生阮公之女也。年十五歸事先生。以終其身。閱四十餘年無失道也。初大棗與德厚訟田。屈于餉。訴于府僚。時先生方知工番寔。聽此道往勘得其實。斷歸大棗。德厚人自以霸佔久。恥其弗克也。以金百兩干焉。拒弗受。大棗喜其情抑而復伸也。地失而復得也。莫不欣感思報而無由也。己酉先生逋挈室過此。阮公館之西山求先生急。弗獲。旣廉得則拿之。亟引匿。先生以事迫欲引決。阮公侍之謹。旣再宿。募健者負去。潛沒所親者。西山怒。恣掠阮公家。凡數日。其外姑武氏者。捐錢百餘。求於縣分知事。得解。復請歸寓。如初。後移陳舍。阮公以其女請爲先生妾。先生久許大棗。俗厚且德翁所爲。遂納焉。甲子隨之城。寓生男數月而殞。善事先生及淑人。婉順有法。淑人愛之。先生嘗與之錢。令助其里之急。里人惠之。自請以百歲後忌日追祀之。又與之生理。則念父弟窮窘。以贖其所賣田宅還之。又數調其孤姪。無所餘。

自先生沒後。留住講堂。焚香拜掃。朝夕不懈。正旦及諱日。詣祠堂禮拜而還。未嘗出門。體多病。仗藥爲命。舊日門生多餽之者。以自給。乙巳夏。舊病。閒作。用藥少效。秋而劇。度必不起。召仁睦。黎訥。庵及育秀。朱允緻來語云。本願栖此瞻掃。死而後已。不欲別處瞑目也。奈今病困。靡靠誰。則埋之已。敬告先生之靈。辭歸故里。其堂宅花木。不毀于舊。則已。致辭于嗣兄矣。又云。多謝門中諸君子。請從此辭。於是十月初二日。北回道過朱允緻宅。留三日而別。允緻爲製藥餌。病弗減。旣十餘日。允緻往省焉。則泣而言曰。此身得事先生及淑人若干年。爲幸多矣。先生如此。淑人如此。自己敢有一毫怨憾。只

今歸來爲弟姪累。不得不痛耳。聞族人謀爲立嗣。願勿聽。後事雖不能具。亦聊粗有之。死後三日內。得一片淨土埋之足矣。再寄謝方亭。陝陽亭。吳訥庵。黎他日相會。爲叙一聲。千萬至囑。十二月二十五日命終。年五十有〇。明年正月葬于其鄉之原。嗣德十年十月十五日門誼偕眷屬改扦附葬于良堂先生墓左。隔淑人墓。有弔聯二句云。

慧星夜永心相照。 霽月庭虛影自孤。

薄命更何言。却教後夫人。廿餘年此景。誰同花淚濺。 遺骸猶有願。僅得歸故鄉。三尺土。餘情難盡。薤悲歌。

●吳柏峯夫人

夫人姓陳。北寧嘉平寶篆禮部尙書陳名寧公女也。自幼讀書。一覽卽悟。陳公惜其才而不使之卒業。夫人亦自悟。改事女工。承事親長。曲有禮意。陳公沒後。叔父刑部尙書陳公名稼爲之擇配。夫人遂歸南眞吳柏峯公。吳公父官都御史。公十九歲與兄以漸俱一舉領鄉薦。聲名藉甚。夫人迨事舅姑。甚得其歡心。公父沒。兄弟均家產。卽盡讓諸弟。自以私貲周旋襄事。公之北肆業也。夫人伯叔兄弟。了庵德甫二公。樂與相處。夫人奉之。曲有禮意。釵鉢盡處之泰然。嘗問公曰。一國之士如公者。凡幾人。公知其意在規勸。益重之。公春試累中授先興府教授。秩滿授真定縣知縣。未幾遇亂。昭統初。擇廉幹分道訪察。彫殘公往天長府事清歸來。囊無一錢。夫人迎而進曰。居官清白。公能恪守家風。貧非所憂也。西山再來。公通之香葛。羣英夫人僕婢隨之。兒女提携。再值凶歉。夫人善爲調度。童

僕皆欣然不相捨。公故無家。病歸依親弟而沒。夫人執喪。凡力之所及。悉依禮。時太夫人年七十餘。公之子希召年十六。有章纔十歲。一女最幼。夫人仰事俯育。各盡其道。居歲餘。叔告之曰。嫂爲一家計。至是盡無遺力矣。惟二子失教。奈何必以姑年老不忍遠離。則有某在。可無慮此。盍追我兄遺囑。使二子就朱某受業。而依諸寶篆舅家可也。夫人乃辭姑攜子北行。居數年。太夫人壽終。服未闋。而希召命沒。夫人乃歸講堂居止。一婚一嫁。不失其時。及其弄孫已年踰六十矣。女適天福社某寓居。仙會往視之。未及歸。有章來省。夫人偶得小恙。卽命取水洗盥。告以字號。遺囑速葬于此。語訖而沒。壽七十三。夫人好禮尚義。自奉薄而不吝於財。教子嚴而待人以恕。始逸終勞。由奢入儉。備經變故者幾四十年。而壺範門風猶一日也。噫如夫人者。真可謂賢助賢母矣。